

皇宋十朝綱要

皇宋十朝綱要卷第十六

眉山李臺編

徽宗

辛巳建中靖國元年

遼主天祚乾統元年

正月壬戌朔流星自西南入尾抵距星其光燭地是夕有赤氣起東北方亘西方中出白氣二復有黑氣在旁 癸亥觀文殿大學士中太一官使范純仁上遺表勸上清心寡欲約已使民絕朋黨之論察邪正之歸毋輕議邊事易逐言官并辨明宣仁誣謗數事

甲戌皇太后崩 己卯詔許河東陝西路入粟受  
官自奉職借職太廟齋郎其直各有差

二月己亥詔以邊事寧息減放秦鳳路王兵 丁巳  
用右正言任伯雨言貢章惇雷州司戶參軍伯雨併  
劾蔡卞享既歲雷州而卞知池州如故

三月丁丑詔河西節度使趙懷德知湟州其湟州守  
臣官吏將佐悉追還 以復州防禦使姚稚為熙河  
蘭會路安撫使 戊寅詔京東河北路監許通商入  
解監地分貿鬻 壬午詔王賄除名勒停配昌化軍

賻尋自縊于穰縣王厚貴授賀州別駕安置郴州  
詔以日食正陽之月避殿減膳降德音 丙戌任伯  
雨知虢州伯雨居言職僅半載所上一百八疏皆係  
天下治亂關宗廟宮禁者細故不論曾布方用事伯  
雨謀擊之布覺乃先罷伯雨言職

四月辛卯朔日食 己亥復置宗學 丙辰詔罷國  
史院看詳編纂上安石目錄

五月丙寅葬欽聖憲肅皇后欽慈皇后于永裕陵  
六月壬辰詔三省議省吏負裁冗費 甲辰右司諫

陳祐六章論劾曾布不從罷諫職責胡云觀望以言  
意在推引右司諫江公望對上請所謂觀望推引之  
語上以其欲逐曾布引李清臣為相公望遽言近者  
易三言官逐七諫臣非天下所期望因抗疏論立維  
述分元祐起禍亂之源言甚懇切

七月壬戌蔡王府指使劉況告楷書吏鄧鐸言涉指  
斥詔送開封府鞠訊甲子詔重脩神宗正史始江  
公望聞上好畜珍禽奇獸上䟽力諫上命悉殺之唯  
一鷓鴣畜久頗馴上以塵杖逐之不肯去乃刻公望姓

名於杖頭以識之 戊辰公望坐論蔡王獄事罷言  
職知淮陽軍 丁亥朝奉郎蘇軾卒

八月甲午詔將來冬祀以郊見天地之初權合祭于  
圜邱 右司員外郎陳瓘進國用須知并進王安石  
日錄瓘又以書責曾布尊私史而壓宗廟緣違費而  
壞先政布大怒癸丑瓘知泰州 己卯用侍御史  
彭汝霖言罷合祭天地

九月乙酉變路轉運司言太學博士趙諗謀不軌詔  
監察御史王資深東傳鞠實

十月乙巳以左正言范致虛言詔前降修寔錄參取  
元祐及陳瓘乞刪除王安石日錄等指揮勿行仍詔  
寔錄院以朱墨本進

十一月壬戌詔西蕃溫賧羅撒為西平節度使邈川  
省領又詔懷德軍節度使睦征入居鄧州 復置市  
易務 庚辰祀昊天上帝于圓丘大赦改明年元  
起居郎鄧洵武進愛莫助之圖如史書年表別為旁  
通分為左右左曰紹述右曰元祐自宰相臺諫至館  
閣學校分為七隅左序助紹述者宰相中溫益一人

而已其餘如趙挺之范致遠王能甫錢通是也古序  
舉朝公卿百執事皆在其間又于左序別立一項用  
小帖書蔡京名洵武以為非相蔡京不可壬午曾布  
以圖納上前明日上遂改付尚書右丞溫益於是決  
意用京矣

十二月壬寅復放歸田里人安博為朝奉郎寮序辰  
為朝散郎並宮觀是歲正月遼國主洪基殂在位  
四十二年廟號道宗子延禧立號天祚皇帝改元乾  
統女真主楊割死阿骨打立

壬午崇寧元年

遼國主天祚乾統一年

二月甲午詔蔡確配饗哲宗廟庭戊戌趙諗伏

誅辛丑聖瑞皇太妃朱氏薨追尊為皇太后三月  
始命入內供奉官童貫至杭州製造御前生活

四月丁酉以左正言王能甫言詔知潞州劉安世知  
潁州呂希純並降集賢殿修撰尋並落職

五月庚申左僕射韓忠彥罷為觀文殿大學士知大  
名府甲子落職己巳賻征卒觀文殿學士知河  
南府安燾龍圖閣學士知潤州王觀樞密直學士知

越州豐稷顯謨閣待制知穎昌府陳次升並降職  
軍器少監韓玟等六人並送吏部 乙亥降太子太  
保司馬光為正議太子太保呂公著為左光祿太師  
文彥博為太子太保其餘呂大防以下五十人並削  
奪有差自言者既攻呂希純劉安世等諫官吳材王  
能甫輩紛々不已侍御史彭汝霖鄒餘等以為紹聖  
貶黜繁籍其在不必俟言者人々彈擊而後行上意  
切齒元祐之人有素患其叙復太過然以皆經貶竄  
難以再貶故但等第削降云 詔今未責降蘇轍以

下五十七人並令三省籍記不得與在京差遣 丙  
子詔元祐牽復之人已第加裁削外自今一切不問  
言者亦勿復言出揚朝堂 戊寅堊欽成皇后于永  
祿陵

六月癸巳詔元祐初元符末首部反内外官司應有  
曾經廢罷之事不以巨細並條上三省 辛丑辰州  
山徭叛圍龍潭堡 癸丑詔國史院依唐六典編修  
神宗官制

閏六月壬戌置布罷為親文殿大學士知潤州布於

元符末欲以元祐黨紹聖而行政力排蔡京逐出之  
至崇寧初知上意有所向又力排韓忠彥而專其政  
未几蔡京為尚書左丞大興布異會布擬陳祐甫為  
戶部侍郎京奏布私其親翌日言者交攻布由是得  
罪詔奪李清臣資政殿大學士金紫光祿大夫及  
例外恩澤丙寅手詔臣僚章疏有詆譏哲廟者盡  
行改正以稱篤叙天倫紹休前人之意辛未貶竇  
又閣待制知越州鄒浩為衡州別駕安置永州仍以  
浩元奏并元符皇后詆章宣示中外浩本章紹聖已  
焚之矣今所降

者蔡京使其黨  
偽為之也

乙亥主管冲祐觀陳瓘與史並送

吏部

戊寅以江寧府學王安石祠堂著祀典

午中書省言故右光祿大夫李清臣新知常州豐稷  
新知鄂州張舜民章表詡誇先朝詔追貶清臣散官  
稷舜民散官安置睦州商州

七月甲申朔建長生宮以祠英感 丙戌詔省臺寺

監及監司郡守並以三年為任 丁亥詔集賢殿修

撰知穎昌府陳次升落職

此後元祐之人小小責降  
非朝廷重輕者並不書

戊子蔡京為右僕射兼中書侍郎初垂簾時京以

翰林承旨因草制得進見即為上數言紹述事上  
密語京以母后意未聽卿姑待焉京再入翰林不兩  
月遂得政又兩月拜相時知樞密院蔣之奇門下侍  
郎許將中書侍郎溫益位當次補京獨超拜云 庚  
寅詔罷修編敕 甲午詔都省置講議司差蔡京提  
舉 己酉詔焚元祐法 庚戌責主管亳州明道宮  
張耒房州別駕安置黃州 辛亥詔知和州曾肇等  
八人依五月乙亥詔並籍記姓名 立三省吏轉官  
止法

八月丁巳蔡京奏詳講議所詳定參詳檢討官其所  
奏舉自戶部尚書吳居厚翰林學士張商英以下凡  
二十七人 辛酉曾布落職提舉明道宮居住太平  
州 乙丑罷權侍郎官 詔元符末上書人鹿敏求  
等追官有差 戊辰詔進士如元豐之制兼試律義  
辛未置安濟坊 甲戌用蔡京言語天下興學貢  
士建外學于國南待其歲考行藝升之太學 丙子  
詔司馬光等二十一人子弟不得任在京差遣  
九月乙未中書省條上元符三年上書臣僚姓名正

止鍾世美等六人正中耿敘等十三人正下許奉世  
等二十二人邪上尤甚范柔中等三十九人邪上梁  
寬等四十二人邪中趙越等一百五十一人邪下王  
華等三百一十二人 丁酉治元符末臣寮議復元  
祐皇后并廢元符皇后罪韓忠彥曾布等責降李清  
臣黃履進貶有差曾肇降官居住岳州堂褫散官安  
置台州陳瓘龔史進毀出身文字編管袁州房州閬  
守慙以下編置者又十三人 己亥籍元祐元符宰  
執文彥博侍從蘇軾餘官秦觀凡一百有二十人御

書刻石端礼門 壬寅曾布坐審薦趙諗充學官貢  
授散官安置衡州 蔡京當國每除吏一啟擬無慮  
數十人人皆駭聞莫敢議會以蔣靜張閻為郎并其  
它除授皆一時資淺者當除郎者中書舍人吳伯舉  
繳詞頭不行京大怒丙午黜伯舉知揚州自是京所  
除授無敢言者 詔 馮景仁等四人分使河東陝  
西路提舉招置弓箭手

十月甲寅承議郎任伯雨奉議郎張庭堅並追毀出  
身以來文字除名編管通州虢州曾布之子承議郎

紆布帟朝奉郎吳則礼並勒傳知萊州陳次升主管  
霽仙觀居任濠州坐欲廢元符后蔡京始更東南監  
法列上七條許客人用私舡運致 乙卯詔元符末  
上書議論純正京朝官喬世材等九人令闔門引對  
選人八人令三省審驗在外皆乘驛赴闕 戊辰蔡  
京奏立外學列上七條尋賜召辟雍 甲戌以御史  
中丞錢適殿中侍御史石豫左膚及蔡京等言詔罷  
元祐皇后之號復居瑤華宮 乙亥韓忠彥坐嘗進  
呈進士王洵乞廢元符皇后書降一官居住懷州

丙子以御史言治元符之末變更法度復為元祐者  
罪詔寶文閣待制知越州周常等二十八人責降居  
住宅州有差 丁丑詔川廣牧守依元豐法以三十  
箇月為任

十一月壬辰詔元祐元符之末黨人子孫不以有無  
官並不許到闕 癸巳詔西南兩京置宗正司及敷  
宗院 戊戌詔顯謨閣置學士直學士待制等官  
甲辰手詔元符之末下詔求言比以章疏付有司者  
其邪正其言當於理陳父子兄弟紹述友恭之義者

四十一人悉加旌擢其附會誣毀先帝政事者總五百四十一人內取其謬斥尤甚者范柔中等三十八人責逐遠方次等者梁寬等四十一人各與等第責降以戒為臣之不忠者由是柔中等並特勅停羈管諸州梁寬等各降黜有差 己酉立卿監郎官三歲黜陟之法

十二月癸丑論弃涇州罪韓忠彥曾布安燾並散官安置忠彥濟州布仍舊衡州燾漢陽軍蔣之奇以下六人責降有差 戊午以蔡京言復權江淮等七路

茶以來年為始 以知岢嵐軍王厚為東上閤門副  
使 己未詔范純仁謚定議復議官各罰金毀純仁  
神道碑 初令陝西鑄折五錢 丁丑詔非先聖賢  
之書并元祐學術政事不得以教授學生

癸未崇寧二年 遼主天祚乾統三年

正月乙酉知荆南舒亶奏平辰沅州溪 中書省檢  
會前諫官任伯雨陳瓘鄒浩等十三人元符末曾入  
章疏詆誣先朝詔伯雨等並除名編管廣南諸州有  
差 己丑詔許茅山道士劉混康修建道觀 乙巳

曲敵荆湖南北路群臣表賀 丁未蔡京進左僕射  
兼門下侍郎 以王厚知河州寺招納鄯湟諸羌  
已酉主管興慶宮范純粹坐嘗有弃地之謀責散官  
安置鄂州

二月辛亥安化喪入寇廣西經畧使程節敗之 甲  
寅詔元符皇后進號元符太后其宮名崇恩 己未  
罷春秋博士 辛酉立殿中監六尚局北司之威自  
此始 庚子初令陝西路鑄折十錢并夾錫錢 丙  
子置淮浙路茶場 戊寅詔王厚專招納青唐走馬

承受童貫往來幹當 是月遣戶部侍郎劉達給事  
中吳拭使高麗

三月戊戌入內押班郝隨復以修內司進用於是始  
繕修大內及諸司屋宇并剏修景靈宮元符等十一  
殿及殿中監興作之事紛然而起 庚子賜劉混康  
所建道觀名天寧萬壽 癸卯詔諸路及萬戶縣置  
市集及抵當庫 乙巳詔應居住編置人輒逃入京  
城并有妄議宗廟指斥乘輿者許人告賞錢叁仟緡  
白身與偕職

四月丁巳試焚蘇軾集 丁卯蔡京等以太史奏五  
星並行黃道率百官賀 詔削景靈西宮元祐臣僚  
畫像 以初謁景靈宮已巳大赦 詔焚蘇洵蘇轍  
黃庭堅張耒晁補之秦觀馬涓文集范祖禹唐鑑范  
鎮東齊記事諸事書 戊寅奪王珪贈官并諡 詔  
程頤追毀出身文字除名其入山所著書令監司察  
之 是月始更監鈔法以道恭奠海甌東南監行之  
東南諸路濱滄冀海甌東北監行之東北及畿甸諸  
處而畿甸諸處舊解鹽界今以東北監充之而解鹽

獨行於陝西與河東

五月先是大理寺被旨鞠曾布妻魏氏并子紆縑交  
通請求事至是獄具癸未責布為廉州司戶參軍依  
舊安置衡州子紆編管永州餘三子縑縑縑并凡交  
通之人自胡宗回米芾以下責降有差 詔故入內  
內侍省都知等為知入內內侍省事副都知為同知  
押班為食書 辛卯詔江池饒建州鑄當五大錢  
詔頒梁安國等三十二人上書詆訕節文 甲午寶  
文閣學士知應天府路昌衡以下責降有差

六月甲子王厚童貫克巴金城軍威大振 乙丑別  
將高永年克通州堡并羅兀抹遁城王厚克腕哥堡  
戊辰進據隴朱黑城 辛未遂克湟州 甲戌集  
歸金平賜名綏遠關 上書邪等人將作監丞張及  
等凡十一人並罷所居官 是月中太一宮火

七月己卯以收復湟州蔡京率百官賀王厚加恩州團  
練使童貫果州刺史 甲申降德音于熙河蘭會路  
庚寅提舉靈仙觀曾肇生歸交元祐黨人革求言  
詔書詆訾先烈責授散官安置汀州 丁酉詔自今

勿復援韓忠彥例以戚里宗屬為三省執政官世守之著為令甲 王厚築南宋新城尋賜名臨宗 癸卯手詔欽慈太后議礼官朝請郎曾牧等責降有差

八月丁未朔再論弃湟州罪移張庭堅編管象州韓忠彥安燾等十人熙徒有差 甲子置提舉廣南路市舶官 乙丑始權襄州南漳縣烏溪等四村茶 辛未復權桂州修仁靈川兩縣茶 王厚舉兵由來賓城潯河而南已克當標城辛未克一公城壬申

克南宗城 乙亥羌人舉衆臨來賓城巡檢紀有戰死

九月壬午講議司言去年推行東北鹽新法始十月九日至今年九月二日本錢十四萬七千緡有奇息錢一百五十萬一千緡有奇詔講議司詳定官寨序辰茅選官有差 詔宗室不得與元祐黨人子孫及有服親為婚姻 庚寅詔哲宗祔廟增一室于七世之外於礼不合令礼部太常寺詳議祧遷之序 詔應貴降人子弟令參選日於家狀內開其父親兄弟

像與不係黨籍之人 詔上書邪等人知縣資序者  
與祠廟選人毋得改官 壬辰置醫學選試並依太  
學法 乙未熙河奏乞令色震等兄弟十三人分營  
岷州本族人馬從之 羌酋溪賒羅撒擁衆據勝宗  
隄丙申厚引軍進討大破之焚其族帳糧儲不可勝  
計復葺耒賓城斬奔城者 辛丑以刑部尚書鄧洵  
武言改置選人七階 辛丑詔以御書元祐姦黨姓  
名頒天下監司長吏廳立石刊記 癸卯陝西鑄錢  
所發到烏背折十銅錢至京乞自禁中行用然後順

之四方從之

十月戊申詔許鄭鎮州置崇寧觀 甲寅王厚還至  
熙州遣童貫護大酋領掌年杓撥等赴闕 壬戌詔  
諸路分造五十將器械置都大提舉內外製造軍器  
所

十一月己卯詔湟州置茶馬司 壬午詔上書祁等  
人姓名令吏部遍牒諸道監司不許荐舉 差前郎  
阿章領河南部族寇來賓循化等城王厚遣洮西安  
撫李忠率兵往救忠未至城五六里遇賊三戰三敗

死之 癸卯初令江地既建舒睦衙鄂八州錢監鑄  
當十錢罷鑄當二錢

十二月丙午朔以平準為南北兩務 戊申王厚達  
眺西沿邊安撫劉仲武等提循化城與賊戰于骨延  
嶺敗之賊解圍去 己酉詔見行新法如茶鹽香市  
易錢法學校邊事文字許直達尚書省 壬戌詔元  
祐竊党係籍人子并親兄弟係大使臣路分都監以  
上資序與在外宮現并岳庙等差遣係親民資序與  
外路監庙差遣係監當資序并小使臣與外路監當

差遣 癸亥遷宣祖皇帝昭憲皇后神主藏西夾室

己巳詔吏部以奸党籍定姓名及元符上書邪等

人姓名降付州縣學 罷提舉出賣解監司 癸酉

詔置熙河蘭會路措置邊事司以王厚為措置邊事

童貫副之 是年高麗國主顯卒在位十八年：五

十子侯嗣立

顯本名熙後避  
遼主諱改今名

甲申崇寧三年 遼主天祚乾統四年

正月辛巳詔上書邪等人毋得至京師 己丑詔諸

路增養黥學弟子負 癸巳詔五路學生在州學一

年方許取應餘路半年 甲午賜蔡京子鴻臚寺丞  
攸進士出身擢為校書郎仍賜金紫 戊戌詔江淮  
荆浙路悉收當二錢改鑄當十大錢 詔歲攷月書  
鄉舉里選之法未就可更令參以科舉取士 甲辰  
方士魏漢津請聖人三指為法先鑄九鼎并帝坐次  
鑄帝坐大鐘及四韻清聲二十四氣鐘以定一代之  
樂

二月御史中丞席旦言皇弟蔡王卞邸第後垣私出  
宮門步歷纏市詔以本宮官吏送開封府鞠訊 丙

于詔朝散大夫王古坐刑定徒法不當貴授衢州別駕安置温州虞策等七人貴降有差 戊申詔諸州縣置漏澤園 己酉詔自今御後殿許起居郎舍人分左右侍立 詔章惇王黼為臣不忠可別為一籍如元祐黨 是月詔翰林學士張康國編類元祐臣僚章疏

三月辛巳置文繡院招刺綉工三百人 嚴樞密院講議司 丁亥令諸州築園土以居強盜貸死者甲午手詔躋欽成皇后神主居欽慈之上 己亥手

詔三省史定神宗謚號并加上哲宗謚號 辛丑大

內火 壬寅王厚童貫率大軍發熙州歸金平

四月乙巳以大內火降德音于四京畿內 上幸金

明池賜所乘馬名龍驤將軍 庚戌王厚童貫軍次

澧州與都統制高永年分三道進兵壬子至宗哥城

下與賊戰破之漢賒羅撒奔青唐偽公主等以城降

是夕合軍于河之南翌日勝宗首領欽所鷄率衆來

降甲寅入安光城乙卯王厚至鄭州偽龜茲公主壽

宜結年及其酋蒙李阿溫率回紇于闐諸族等開門

出降溪賒羅撒遁走青海上鄯州平詔聽諸路園  
戶以茶市官依元法增息召人算清丙辰王厚趙  
林金城首領阿契等降又命別將郭祖德築溪蘭宗  
城己未厚趙鄯州本州大首領洛施軍今結率其衆  
降辛酉王厚入鄯州命別將陳迪守之率大軍駐  
于州城之西青丹大首領阿撒四率衆降乙丑詔  
今後出宮人依照寧旧法無試刑法罷詳議司置  
提舉河北京東鹽香監稅司省同提舉陝西茶事  
司論復涅鄯功王厚為武勝留從童貫為景福使

襄州觀察使 王厚築勝鐸谷厘牛宗谷城 戊辰  
又築五年谷堡又築北川南北大通城 己巳曲敵  
熙河永興軍路 王厚前後克復三州及河南土地  
開拓疆土幅員三千餘里招到首領二千七百餘人  
戶口七十餘萬前後六戰斬獲一萬餘人  
五月乙亥童貫為延福宮使進定武留後內臣寄資  
轉行至兩使留後自此始 戊寅以蔡京言置開封  
牧尹各一員少尹二員分左右以主戶儀兵刑工為  
六曹置司錄 己卯詔以撫定湟鄯蔡京加司空進

封嘉國公庚辰門下侍郎許將等五人各遷三官

癸未詔府界及諸路並置提舉學事官 丙申手詔  
有司集議祧廟九廟之議蓋自此始

六月壬寅朔詔熙寧元豐功臣圖形于顯謨閣 癸

卯詔荆國公王安石配享孔子廟庭 甲辰詔元符

末奸党並通入元祐籍更不分三等除今來入籍者

餘並出籍後母得彈奏 丙午詔諸路州軍未嘗置

學度並置學 壬子始置書畫算學 戊午詔章惇

曾布黃履等十一人並依元祐人入籍其子及親兄

弟無得授在京差遣 王厚言姚雄奔地之罪不可  
貸詔雄特勒停居住金州又詔移散官安燾安置建  
昌軍 辛酉置太醫局 壬戌蔡京奏已書奸党姓  
名三百九人姓名頒之天下 乙丑詔百官不得越  
職言事 庚午以講議司檢討家安國言詔改修尚  
書省

七月乙亥設蘇軾凡所撰碑刻 辛卯以蔡京言頒  
行方田法 丁酉詔諸路帥臣近夏國遣使到闕密  
奏事宜朝廷難以理遣之恐其不測驚擾成飭邊將

嚴備靜以待寇 己亥隴右都護高永年遣將郭祖  
德率九軍擊溪賧羅撒軍至骨祁川不見虜而還  
庚子詔諸路知通衙並增入主管學事四事

八月癸卯築南達堡保郭谷賜名通津綏平 甲辰  
刑部尚書鄧洵武進神宗正史 丙午夏人寇邊詔  
貼宋寨六七十里都統制麻永宗等將兵禦之尋引  
去 戊申詔誦議司官屬依制置三司條例司例推  
恩自張康國以下凡三十五人各遷官 癸丑尚書  
省言自追復先朝法度以來無慮千百數尚懼誹求

未盡乞官司凡經銜革熙寧至元豐八年三月五日  
以前紹聖至元符正月十二日以前事件未興復者  
各具以聞從之 是月夏人犯鄜延獎五堡又犯涇  
原

九月辛未詔賜夏國主冬服 癸未詔各賜王厚童  
贊宅一區于京師 甲申秦鳳路招納司言岢州生  
羌緬上得潘邦壘三州計二千五百里大小首領一  
百二十人詔本路經畧使胡宗回加樞密直學士知  
岢州郭景修為西上開門使皆誕妄也 丙辰詔諸

路州學荆為齋舍教養武士並依進士法其考選升  
補以令武學條制修立頒下 癸巳用禮部尚書徐  
鐸議始建九廟 己亥用戶部尚書曾孝寬言罷轉  
般倉許漕運直達京師 是月夏人犯涇原分兵圍  
沒煙平夏城引大兵自葫蘆川入直犯鎮戎軍趨渭  
州略數高口而去

十月辛丑朔詔西賊不貢天寧節自絕臣子之礼仰  
陝西河東諸路伺便掩襲 壬寅詔於京東西河北  
東開封府界創置步軍共五萬人 癸卯詔辟雍置

司業一頁

癸丑西賊犯熙寧寨及盩厔寨丙辰

夏國主遣渭州蕃落兵士翟勝持檄抵鎮戎軍城下

自稱曰誥斥蔡京蔡卞弄權肆情故舉兵討之

京卞所以

必欲誅討西夏者寔因此檄四年林樾使  
逮陳夏國之罪亦奉此為詞故特書之

戊午帝

鼎成上親為之銘

庚申王厚奏西蕃王征暗拶通

欺兀拶河西節度使趙懷德率河南大首領出降

壬戌熙和統制張誠等復引兵自蓋朱城還至斫龍

谷口遇賊三萬餘騎追襲後軍都督總領麻永宗同

總領鄒勝戰沒誠勒中軍反拒賊乃引去 癸亥知

延安府陶節夫奏築石堡寨御謀山羅兀城等賜名  
威德御謀副武節夫加顯謨閣待制威德以己巳  
寨為軍

手詔復奉翼祖宣祖祀主還太廟室 庚午詔張商  
英宜置元祐階中嚴提舉重仙觀

十一月甲戌幸太學官論定之士鄭南等十六人遂  
幸辟雍 乙酉階州宕昌界蕃部首領夢阿郎等寇  
峽隘五日引去 丁亥手詔罷州郡發解省試法  
自今取士並隸學校并貢戊子夏人圍威德軍將官  
劉安社大忠擊却之涇原經畧使鍾傳遣都統制折

可達等統軍至靈州川與夏人力戰斬五百餘級擒  
大小首領統軍等十餘名牛羊駝馬七萬數丙中  
祀昊天上帝于圜邱大赦應貶謫人惟元祐奸黨不  
赦

十二月丁未復置惠州阜民監壬子置大司成官  
以給事中薛昂為之甲子尚書省言監察御史宋  
聖寵糾劾開封府一百九事除殿外並合為最特轉  
一官言官賞課最自此始丙寅故熙河蘭會路為  
熙河湟廓路尋改為蘭湟路

乙酉崇寧四年 遼主天祚乾統五年

正月丙戌詔于帝舜宮立大南陽星祠 詔熙河路  
築洮州及溪宗城 庚寅閣門依元豐法球門下有  
初詔罷水磨茶場尚書省言水磨乃元豐舊法不  
可罷 乙未詔以水磨茶場歲課三十萬數數京城  
磨戶仍每月均納 丁酉童貫為熙河蘭湟秦鳳路  
經畧安撫制置使

二月己酉置三衛郎中郎等官親衛官以后妃嬪御  
之家有服親及翰林學士觀察使以上子孫勲衛官

以勛臣賢德之後及侍從遙郡觀察以上朔衛官以  
卿監遙郡團練以上並視光弟子孫試充 詔元祐  
党籍五服內親不許充三衛官 乙丑改三衛郎為  
三衛侍郎

閏二月己巳朔置河東陝西諸路招納司 癸酉以  
雄州奏北朝遣泛使來議夏國事已至界上止諸路  
進兵討伐夏人 乙亥詔熙河路發河南五州步兵  
二萬五千騎兵一萬赴會州同涇原秦鳳兵馬築娘  
鎮城及光羊口 甲申置陝西河北京西路江東西

路十三監鑄當二夾錫錢 乙酉改辟雍司成為太  
學司成摠國子監及內外學事 己丑御端門受趙  
懷德降以懷德為感德軍節度使安化郡王 辛卯  
漢賧羅撤合夏國監軍之衆圍宣威城并化西寧州  
知州高永年遣知河州劉仲武率兵禦之 癸巳詔  
上吉邪等人除已入籍人并係籍人父兄子弟外其  
餘許在外開陞就注差遣准不得注親民  
三月壬寅詔銅鐵錢公私出入計贓定罪共為一律  
不分輕重仍以河東路所鑄夾錫錢通行天下 甲

辰門下侍郎趙挺之為右僕射兼中書侍郎知慶州  
曾孝序坐不從諸路約日出兵除名勒停編管封州  
丙午廣西經畧使王祖通乞以古州等處所緡王  
口寨地建為軍額詔建為懷遠軍置溪洞司 丁未  
隴右都護高永年與賊戰于宣威城軍敗為虜所執  
遇害 鄜州大首領洛施軍令結叛去而勇丁丹溪  
等六人在熙州者亦叛去焚大通河橋圍鄆州及懷  
和等寨數月乃定 己酉詔諸路並權白錫 丙辰  
以中書舍人林摠言詔朝議中嚴正議光祿銀青各

以左右為兩資轉先右而後左有出身人應轉朝議  
中散大夫者止作一官轉 戊午蔡京言九鼎告成  
詔于中太乙宮之南為九殿以奉安各周以垣名曰  
九成宮 鄜延路奏已復銀州詔賜舊名漢賒羅撒  
增兵四萬攻宣威城甚力又攻臨宗塞門寨 壬戌  
秦鳳路築蕭關 甲子詔陝西大鈔錢入川陝四路  
並免稅

四月辛未遼國使蕭良高端礼入見 壬申夏人攻  
塞門寨不免尋引去 癸酉詔頒御書當十崇寧錢

樣於諸路 乙亥夏人又犯清平寨劉仲武擊敗之  
賊解去 丁丑又犯西寧州 戊寅又犯臨宗寨  
庚辰詔淮南許通行交子 壬午洛施軍令結等攻  
懷和城踰月不克是日解去又圍膚公城涇原將李  
真與賊戰于城下敗之至是亦引去 王厚遣統制  
張誠王亨率兵赴郭州討賊又遣將趙隆辛叔詹率  
兵救大通城癸未賊解去 己丑夏人犯順寧寨鄜  
延將劉延慶擊破之斬獲七百餘級 庚寅夏人萬  
餘衆圍湟州北蕃市城知州辛叔獻反統制郭祖德

擊却之斬千餘級 甲午詔戒走馬承受侵掠帥權

丙申夏人解臨宗園由迎龍谷遁去

五月丁未輔臣進呈荅大遼國書蔡京華荅詞教使  
夏人造廷請命乃議削地待之如初上喻令築蒲閣  
銀州即是已正削地之罪又令改造廷作扣閣字使  
者乃受書 戊申張誠王亨引兵至宣威城羗衆解  
去宣威城受圍凡兩月云 除党人父兄子弟入京  
注官之禁 壬子命龍圖閣直學士林攄為遼國回  
謝使客省使高球副之時蔡京欲啓邊釁索喻攄令

激北虜之怒，搃至虜廷，故為悻慢，不遜虜甚，駭絕其  
飲食，幾欲殺之，搃僅得免而歸。癸丑，詔王厚赴闕。  
高永年之敗劉仲武，擁兵不進，已而奔西寧州，羣  
羌斷河橋，攻當道城寨甚急，仲武亦不能救。詔秦州  
置獄鞠之。

六月己巳，詔交子並依舊法，路分兼通行諸路。甲  
戌，更定茶法，罷官場，併入市易務。令客人赴官請引，  
自于園戶買茶。解池為水浸壞，八年，至是始創開。  
二千四百餘畦，種鹽。丙子，秦京率百官賀。秦州獄。

具劉仲武貸死配雷州牢城童貫奏留仲武自效許  
之 辛巳放散陝西河東路保甲 壬午詔以西人

請命權嚴經制司

詔福建廣南路更不行使當十

錢秦宋私其鄉  
故降此旨揮

戊子趙挺之罷為現文殿大學士

中太乙宮使

七月庚子始行米鹽鈔新法

辛丑置榮感壇

甲

辰詔冲顯處士魏漢津為冲顯寶應先生

甲寅詔

罷元祐姦黨所建墳寺

御筆手詔放還上書見羈

管絢管人還鄉御筆手詔始于此 立四輔郡屏衛

京師南以潁昌府為南輔東以襄邑縣建名輔州為東輔西以鄭州為西輔北以澶州為北輔各屯馬步軍三萬人

八月甲申奉安九鼎于九成宮 乙酉幸九成宮酌獻至北方寶鼎忽破水流溢于外鼎金既厚水又久在其中不應及上行禮而作或者以為其後終北方致亂云 丁亥蔡京言定鼎符瑞率百官賀 戊子詔建明堂 庚寅御崇政殿奏新樂賜名大晟于是置大晟府設大司樂典樂等官 詔礼部侍郎劉

正夫充北朝國信使以林樞衛命未還虜繼遣使至  
故先命正夫報聘 壬辰詔熙河蘭湟路置蕃學

九月乙未朔以九鼎成御大慶殿受群臣賀始用新  
樂已亥大赦 御筆付三省樞密院更制陝西河東

軍政六事三省密院同奉御筆自此始 詔量移元

祐奸黨係籍人嶺南移荆湖荆湖移江淮江淮移近  
地仍許自占便州惟毋得至四輔畿甸 乙巳加魏

漢津為虛和冲顯寶應先生秩比中散大夫賜宅一  
區田六十頃 罷京畿三路保甲月教三日 丙午

詔兩浙轉運司差開江兵士牽駕杭州造作局御前

生活物色

舟揚載始用事

丙辰詔自今非宰臣不除特進

十月中書省言御筆手詔已刊石並用金填毋得摹

勒自是御筆之行始減 自七月雨至是月始霽

十一月丙辰詔荆湖江浙當十錢並改作當五錢

壬戌詔桂州置刀牌手三千人賜名寧海軍

十二月庚寅詔淮南路重寶錢作當五行使 罷國

子監補試 詔秘書省重修九域圖志

丙戌崇寧五年

遼主天祚乾統六年

正月戊戌禁出西方白金買昂至戊午浚乙巳  
避殿損膳許中外臣寮直言闕失是夕帝自禁中夜  
遣黃門至都堂毀元祐姦黨碑在外者如之又詔元  
祐元符遷謫人並復任籍自今毋得糾前市詔罷  
緣邊諸路科歛丙午罷諸路豫買明堂木植罷  
鑄當十錢改鑄小平錢嚴州賒贖學出賣鈔旁  
丁未大赦詔已毀元祐黨籍石刻及與係籍人叙  
復差遣如妄意窺測觀欲更張熙豐善政苟害紹述  
必置典刑詔崇寧所降元祐奸黨指揮二十條並

罷 詔尚書省相度裁省在京及諸路新創置官

省非衝要處新置市易務 權罷方田 詔後苑作

製造御前生活所限一季結局 戊申詔侍從官定

封言事 己酉停六尚局供奉庫歲貢 庚戌叙復

劉摯等官職曾任宰執侍從官及餘官各分三等重

輕凡一百七十五人並在外居住重者毋得至四輔

輕者毋得至畿甸已歿者給遺澤三分之二 辛亥

罷諸路提舉鹽香礬茶學事買木水利司 詔諸路

監司体量州郡官吏考覈科率 壬子罷園土法

詔製有部元頒降錢版元祐名籍冊 丁巳詔罷書  
通算醫四學 戊午詔申命四方直言無隱若論涉  
宗廟必罰無赦 癸亥詔罷三衛官

二月甲子詔荆湖江浙淮南路重寶錢作當三餘路  
作當五行使其通寶錢今在官隨處封椿許民以小  
平錢換納丙寅冲政勿行 詔省内外冗官自醫官  
及宮觀武學司計監廚使臣河北京西路僧發石崖  
官等凡百餘處令戶部侍郎許幾專切提舉交割錢  
物 丙子祭京罷為司空開府儀同三司安遠軍節

度使中太乙宮使趙挺之復為右僕射兼中書侍郎始望星初見上震動責已深察蔡京之姦由是旬日之間凡京所為者一切罷去京令其黨進言于上以為京改法度者皆臬上旨非私為之若學校大樂等數事皆是紹述神考美意今一切皆罷恐非紹述之意于是上乃復學校教官及香鑪司官又復大梁府復有用京之意矣己卯詔諸路轉運司相度減罷添差頒稅務監官詔應係奸党石刻人第三等許至京師餘並不許辛巳御延環慶路築戴主并

徐丁臺新賊賜名鎮西安邊

三月丁未罷諸州增置武學教養武士 戊申遣國

泛使同平章事蕭保先牛溫舒入見起居半不還言

有面奏公事詔令上殿保先等言北朝遣來要還西

人土地上諭以先朝畫疆更不復議崇寧以來所侵

土地俟西人款塞當令歸還二人恐惕無以措辭而

退 癸丑蔡卞為醴泉觀使兼侍讀 甲寅詔陝西

提舉弓箭手司體究沿邊官吏冒占田土分給歸順

蕃戶耕種 是月礼部侍郎劉正夫為北朝國信使

四月乙丑詔假承事郎承奉承務郎並依舊太廟郊社齋郎並改為將仕郎

五月庚子廣西經畧王祖道言知池州羅文城乞納土詔從之尋又言知文州羅更晏等納土 辛丑賜蔡確墓道碑額曰元堂受遺定策宰臣蔡確之墓

丁未頒紀元歷 庚申罷陝西提舉鑄錢司 是月熙河蘭湟等路經略安撫使童貫遣都總管劉法率兵入夏國界破席經河大鈇泉兩堡及攻馬練川城破之

六月內降劄子當十錢惟行于京師陝西河東北路  
餘路不行令民于州縣鎮寨送納給以小鈔自二百  
上一貫止並令通融行使如川鈔引法 丙子詔在  
京吏額多寡並依元堂法

七月壬辰詔舊係籍人子弟許到闕注授者見訖即  
赴部集注三次集滿不受差遣者時與直差朝辭訖  
限三日出門 壬寅詔改明年元 丙辰罷新邊西  
寧湟郭三州諸城寨主簿 是月西人始遣使赴闕  
上表謝罪辭極恭順

八月丁卯詔諸路鹽香司魚領茶事 戶部請減百  
官俸廩上曰所減不多况非美事可悉仍舊戊辰詔  
官吏請給近降裁減指揮勿行 癸酉趙挺之等辭  
俸勿聽 癸未太常少卿馮澥嘗上書言西寧三州  
不毛小聚宜擢其酋豪授以旄鉞嚴其誓約結以恩  
信彼將畏威懷德長為漢守有得地之名無費財之  
患御批送吏部與選小吏監當昇以中書舍人侯綬  
及臣寮言是日詔澥責散官安置道州 詔夾錫錢  
惟許河北河東陝西教路鼓轉行使餘路並罷之

九月乙卯御筆諸州學校置武士齋以所給解額一分充貢

十月辛酉涇原路築甜井寨賜名甘泉堡 壬戌詔  
釋氏妄以天帝次于鬼神之列可令有司除削 詔  
天下寺觀臣庶行香自今先赴道觀次詣佛寺水陸  
道場無得設三清上帝等位 辛未以五路餘剩解  
額留二分專以貢武士餘均撥東南諸州充貢 乙  
亥詔今舉取士科場三分學校七分其貢額仍分年  
十一月乙巳以大司成薛昂言詔諸州升貢武士如

文士之法仍再置算學 癸丑詔舊條籍人子弟許  
列闕者三日即朝見、訖三日即令赴部所有集注  
直差朝辭出門自從舊條 又詔上書邪等人不許  
入京

十二月戊午朔日食 己未中書侍郎劉達罷知毫  
州自星變作上憂甚委政于挺之及達凡崇寧所行  
事盡罷之事既皆不出于上挺之惟有後患每陰啟  
其端使達終其說上覺達專後星沒稍悔更張之暴  
獨鄭居中知上意請對言學校礼樂居養安濟等何

所逆天而致譴劉正夫縫之上大以為然遂外提之  
遠而後向京于是遠最逾百日而提之亦罷去 辛  
酉詔以舊惠民局為書畫局 丁卯手詔比正厥事  
以承天休而有司不計當否槩從廢罷自今應批降  
及手詔或分事仰三司明具利害取旨 甲申詔准  
南路重寶錢仍作當五行使 丁亥詔買馬依元堂  
法以二萬疋為額黎州增作四十疋

皇宋十朝綱要卷第十六